



Broj: 16-12-16-3592- /25
I. Sarajevo, 26.6 2025. godine

Na osnovu člana 8. stav (2) tačka h) Zakona o Državnoj agenciji za istrage i zaštitu („Službeni glasnik BiH“, br. 27/04, 63/04, 35/05, 49/09 i 40/12), člana 25. stav (1) tač. f) i g) i člana 70. st. (1), (2), (3) i (6) Zakona o javnim nabavkama („Službeni glasnik BiH“, br. 39/14, 59/22 i 50/24), člana 7. stav (5) Pravilnika o uslovima i načinu korištenja e-aukcije („Službeni glasnik BiH“, broj 80/23) i Izvještaja o toku i završetku e-aukcije za LOT 1 i LOT 2 od 23.06.2025. godine, na preporuku Komisije za nabavke za potrebe Državne agencije za istrage i zaštitu u 2025. godinu broj 16-12-16-3592/25 od 24.06.2025. godine, u postupku javne nabavke kancelarijskog potrošnog materijala za potrebe Državne agencije za istrage i zaštitu, direktor Državne agencije za istrage i zaštitu, d o n o s i

ODLUKU

o izboru najpovoljnijeg ponuđača u postupku javne nabavke kancelarijskog potrošnog materijala za potrebe Državne agencije za istrage i zaštitu

Član 1.

U postupku javne nabavke kancelarijskog potrošnog materijala za potrebe Državne agencije za istrage i zaštitu (daljem tekstu: Agencija), putem otvorenog postupka za dostavljanje ponuda, korištenjem e-aukcije, na preporuku Komisije za nabavke za potrebe Agencije u 2025. godinu broj 16-12-16-3592/25 od 24.06.2025. godine, okvirni sporazum na period od tri godine dodjeljuje se za:

- LOT 1 - Nabavka kancelarijskog potrošnog materijala, ponuđaču „AERO-EXCLUSIVE“ d.o.o. Sarajevo, ponuda broj 16-12-16-3592-5/25 od 17.06.2025. godine, za ponuđenu cijenu u iznosu od 64.600,00 KM bez uračunatog PDV-a, umanjenu nakon rezultata e-aukcije;
- LOT 2 - Nabavka papira za štampanje, ponuđaču „AERO-EXCLUSIVE“ d.o.o. Sarajevo, ponuda broj 16-12-16-3592-5/25 od 17.06.2025. godine, za ponuđenu cijenu u iznosu od 42.500,00 KM bez uračunatog PDV-a, umanjenu nakon rezultata e-aukcije.

Član 2.

(1) Ponuđač „AERO-EXCLUSIVE“ d.o.o. Sarajevo obavezan je ugovornom organu dostaviti dokaz o ispunjavanju uslova iz tač. 12.1. i 13.2. Tenderske dokumentacije.

(2) Dokaze iz stava (1) ovog člana (original ili ovjerena fotokopija) ponuđač je obavezan dostaviti ugovornom organu u roku od pet dana od dana prijema ove odluke.

Član 3.

Ova Odluka se dostavlja ponuđačima u roku od tri dana, a najkasnije u roku od sedam dana od dana donošenja Odluke, uz istovremeno objavljivanje na internetskoj stranici Agencije.

Član 4.

Za izvršenje ove Odluke zadužuje se Sektor za materijalno-finansijske poslove Agencije.

Član 5.

Ova Odluka stupa na snagu danom donošenja.

O b r a z l o ž e n j e

Odlukom broj 16-12-16-3592-1/25 od 19.05.2025. godine pokrenut je postupak javne nabavke kancelarijskog potrošnog materijala za potrebe Agencije, za period od tri godine, procijenjene vrijednosti 160.000,00 KM bez uračunatog PDV-a, za koji je obavještenje o javnoj nabavci broj 1161-1-1-122-3-53/25 objavljeno na Portalu javnih nabavki od 26.05.2025. godine i u „Službenom glasniku BiH“, broj 32/25 od 30.05.2025. godine. Novčana sredstva za realizaciju navedene nabavke obezbijedena su u okviru budžetskih sredstava za 2025. godinu, a na osnovu Instrukcije o privremenom finansiranju institucija Bosne i Hercegovine za period april-juni 2025. godine, broj 05-02-2-2225-1/25 od 24.03.2025. godine i Dokumenta okvirnog budžeta 2025.-2027. godine. Za navedeni postupak javne nabavke predviđeno je provođenje e-aukcije, u skladu sa odredbama Pravilnika o uslovima i načinu korištenja e-aukcije („Službeni glasnik BiH“, broj 80/23) (u daljem tekstu: Pravilnik). Predmet javne nabavke podijeljen je na dva lota:

- LOT 1 - Nabavka kancelarijskog potrošnog materijala, procijenjene vrijednosti 80.000,00 KM bez uračunatog PDV-a;
- LOT 2 - Nabavka papira za štampanje, procijenjene vrijednosti 80.000,00 KM bez uračunatog PDV-a.

Obzirom da je tačkom 24. Tenderske dokumentacije navedeno da je rok za dostavljanje ponuda 17.06.2025. godine do 12:00 sati, te da se ponude dostavljaju u zatvorenoj koverti, Komisija je dana 17.06.2025. godine u 13:00 sati izvršila javno otvaranje ponuda prema datumu i vremenu prijema, numerišući kovertu.

Blagovremeno su dostavljene ukupno četiri ponude i to:

R/B	Naziv ponuđača	LOT	Ukupna cijena iz tehničke specifikacije u KM bez uračunatog PDV-a
1.	„DEFTER“ d.o.o. Sarajevo	LOT 1	79.699,71
		LOT 2	79.880,00
2.	„AERO-EXCLUSIVE“ d.o.o. Sarajevo	LOT 1	79.939,00
		LOT 2	79.966,00
3.	„Svjetlost BH PRINT“ d.o.o. Sarajevo	LOT 1	79.964,64
4.	„GATARIĆ“ d.o.o. Derventa	LOT 1	78.876,97
		LOT 2	79.155,60

Komisija je nakon otvaranja ponuda u smislu člana 63. st. (5) i (6) Zakona o javnim nabavkama („Službeni glasnik BiH“, br. 39/14, 59/22 i 50/24) (u daljem tekstu: Zakon), sačinila Zapisnik o otvaranju ponuda, koji je dostavila ponuđačima. Postupak je dalje nastavljen u smislu pregledanja dokumentacije priložene uz ponude, a u cilju ocjenjivanja ponuđača, te njihove kvalifikovanosti shodno uslovima navedenim u Tenderskoj dokumentaciji.

Komisija je utvrdila da su ponude ponuđača „DEFTER“ d.o.o. Sarajevo, „AERO-EXCLUSIVE“ d.o.o. Sarajevo, „Svjetlost BH PRINT“ d.o.o. Sarajevo i „GATARIĆ“ d.o.o. Derventa prihvatljive odnosno ispunjavaju kvalifikacione uslove u pogledu lične sposobnosti, sposobnosti obavljanja profesionalne djelatnosti, ekonomske i finansijske sposobnosti, tehničke i profesionalne sposobnosti, kao i formalno-pravne uslove iz Tenderske dokumentacije.

Obzirom da je Tenderskom dokumentacijom za postupak javne nabavke kancelarijskog potrošnog materijala za potrebe Agencije predviđeno provođenje e-aukcije u skladu sa Pravilnikom, da su za LOT 1 dostavljene četiri prihvatljive ponude i to ponude ponuđača: „DEFTER“ d.o.o. Sarajevo, „AERO-EXCLUSIVE“ d.o.o. Sarajevo, „Svjetlost BH PRINT“ d.o.o. Sarajevo i „GATARIĆ“ d.o.o. Derventa i za LOT 2 dostavljene tri prihvatljive ponude ponuđača: „DEFTER“ d.o.o. Sarajevo, „AERO-EXCLUSIVE“ d.o.o. Sarajevo i „GATARIĆ“ d.o.o. Derventa, Komisija je zakazala e-aukciju za dan 23.06.2025. godine prema slijedećim lotovima:

- LOT 1 u 11:00 h u trajanju od 20 minuta, na kojoj su učestvovali slijedeći ponuđači i to:

- a) „DEFTER“ d.o.o. Sarajevo, ponuđena cijena bez uračunatog PDV-a u iznosu 79.699,71 KM;
- b) „AERO-EXCLUSIVE“ d.o.o. Sarajevo, ponuđena cijena bez uračunatog PDV-a u iznosu od 79.939,00 KM;
- c) „Svjetlost BH PRINT“ d.o.o. Sarajevo, ponuđena cijena bez uračunatog PDV-a u iznosu od 79.964,64 KM;
- d) „GATARIĆ“ d.o.o. Derventa, ponuđena cijena bez uračunatog PDV-a u iznosu od 78.876,97 KM.

- LOT 2 u 11:30 h u trajanju od 20 minuta, na kojoj su učestvovali slijedeći ponuđači i to:

- a) „DEFTER“ d.o.o. Sarajevo, ponuđena cijena bez uračunatog PDV-a u iznosu od 79.880,00 KM;
- b) „AERO-EXCLUSIVE“ d.o.o. Sarajevo, ponuđena cijena bez uračunatog PDV-a u iznosu od 79.966,00 KM;
- c) „GATARIĆ“ d.o.o. Derventa ponuđena cijena bez uračunatog PDV-a u iznosu od 78.155,60 KM.

Prema Izvještaju o toku i završetku e-aukcije od 23.06.2025. godine, Komisija je sačinila konačnu rang listu ponuđača koji su učestvovali u postupku e-aukcije za LOT 1, kako slijedi:

R/B	Naziv ponuđača	Ponuđena cijena bez uračunatog PDV-a	Umanjenje cijene	Rang
1.	„AERO-EXCLUSIVE“ d.o.o. Sarajevo	64.600,00	19,19 %	1
2.	„GATARIĆ“ d.o.o. Derventa	64.685,00	17,99 %	2
3.	„DEFTER“ d.o.o. Sarajevo	79.699,71	0 %	3
4.	„Svjetlost BH PRINT“ d.o.o. Sarajevo	79.964,64	0 %	4

Prema Izvještaju o toku i završetku e-aukcije od 23.06.2025. godine, Komisija je sačinila konačnu rang listu ponuđača koji su učestvovali u postupku e-aukcije za LOT 2, kako slijedi:

R/B	Naziv ponuđača	Ponudena cijena bez uračunatog PDV-a	Umanjenje cijene	Rang
1.	„AERO-EXCLUSIVE“ d.o.o. Sarajevo	42.500,00	46,85 %	1
2.	„GATARIĆ“ d.o.o. Derventa	42.600,00	45,49 %	2
3.	„DEFTER“ d.o.o. Sarajevo	79.880,00	0 %	3

Shodno Izvještajima o toku i završetku e-aukcije od 23.06.2025. godine za LOT 1 i LOT 2, Komisija je utvrdila da je za navedene lotove bilo snižavanje cijena ponuda kao kriterij za dodjelu ugovora u rasponu od 0,1% do 10% najniže početne cijene svih ponuda u skladu sa članom 8. Pravilnika.

Komisija je nakon provedenog postupka ocjenjivanja dostavljenih ponuda utvrdila da je ponuda ponuđača „AERO-EXCLUSIVE“ d.o.o. Sarajeva ocijenjena kao najpovoljnija ponuda za LOT 1 i LOT 2.

Cijeneći naprijed navedeno, prihvaćena je preporuka iz Izvještaja o radu Komisije i odlučeno da se okvirni sporazum na period od tri godine u postupku javne nabavke kancelarijskog potrošnog materijala za potrebe Agencije za LOT 1 i LOT 2 dodijeli ponuđaču „AERO-EXCLUSIVE“ d.o.o. Sarajevo, kako je navedeno u članu 1. ove odluke.

Pouka o pravnom lijeku: Protiv ove odluke može se izjaviti žalba Uredu za razmatranje žalbi Bosne i Hercegovine, u roku od 10 dana od dana dostavljanja iste. Žalba se podnosi putem Državne agencije za istrage i zaštitu.

Na izjavljenu žalbu ponuđač je obavezan platiti naknadu u skladu sa članom 108. Zakona o javnim nabavkama i podzakonskim aktima.

DOSTAVLJENO:

- Ponuđačima 4x;
- Sektoru za mat.-fin. poslove;
- a/a.

DIREKTOR
GLAVNI GENERALNI INSPEKTOR POLICIJE

Darko Čulum